


ΥΙΟΣ ΟΥΤΟΣ ΗΝ ΕΝ ΔΟΥΛΗ ΠΡΟΣ Τ



Bung 12:

LEITLUN HMUAHHMUAH AH


ωρις αι
νονεν εν αυτω ζωη ην και η



Tih le khur cingin Khristianpawl cu Pathian thu ngai le thangthat hla sak ding in a thupten an tawngaw.

Rualpi len uh, kan Bawipa cu kan sualnak lahlo dingah a tuar a si. A hrangih kan tuarnak hi mangbang ding a um lo. Hremnak kan tawn rero mi ruangah mangbang in um hlah uh.

Jesu in, "Ka dungthlun a duhtu cun amai thinglamtah phur in in thlun seh," a ti. Curuangah, kan Kross cu khenbetnak tlangih phur ding ih kawh kan si ah cun phur uhsi. Sam 20-nak vun kau uhsi...



Pathian in bawm aw. Saul, mithatpa a si khi.

Cang hlah uh! Hi randang biaknak cu kan awih lo. Kan pupa le kan ram nan thangsiat. Miaa nan si hi!

Nan siraw ding maw nan thi sawn ding. An hruiatupawl kai uh. An zohthim dingah kan tuah ding.



Messiah kan nei a si ah cun kanmahten kan ding thei zo ding. Ziangruangah a thi cia mi kutzung thiampa nan bia?


Kan Bawipa Jesu cu a nung ih anih cu khawvel sersiamtu a si.

Na nupi thaawng ih kan thlak ah cun na tawng na thleng leh ko ding.



A si lo! Ka nupi cu si hlah seh!

Thud.



Nan Jesu a duhdawttupawl lakih mi pakhat cu hinah a um.


Khristian kan si ah cun hivekin kan cang ve ding ti cu theih cai a si.

Hi pa cu Saul an ti mi pharasipa a si. Mi huat ding le mithah ding lawng a hawl.

A si, a hrang ih thla kan cam a tul. Pathian in a thin a daiter ding le thudik a hmuhternak ding hrangah thlacam uh.

Sual cu mihuatnak in a khat.

Atir ah cun kan zaten a ringhleltu ka si cio kha nan vun mang lo sawm.




Hi pa cu Saul an ti mi pharasipa a si. Mi huat ding le mithah ding lawng a hawl.

A si lo, kan thah tam le thawng kan thlak tam deuhdeuh le an pung duehdeuh. Khua dangdangah an thekdarh theh. Damascusih synagogues cu amah hlir in an khat... kan hung feh hngal ding.

Kaih theinak thu ka lo pe ding ih Damascus ah na hung feh pei.

Atu rori ka feh ding.



Paul cun zumnak dang kengtupawl sung ihsin amai biaknak le a ram kilhim hi a hnaatuan ah a ruat. Khristianpawl in amahthe daihnak le rinsanawknak an nei ti a theih mi in Paul-ih thinlung a ti buai.



Hmakhatteah, ni hnakh tleu sawn tleunak cun Saul a runsun.

Saul, Saul, ziangruangah i hrem rero?

Saul-ih rang to mi in a tihluk ih lamzin dangin a tlanhlo san.



Bawipa zo ha na si ih ka lo hrem rero?

Kei cu Jesu ka si. Ka dugnthluntupawl na hremnak ruangah keimah I hrem rero a si.

Bawipa ziang tuahter ha i duh.

Khawsung ah feh aw la na tuah ding mi sim na si ding.




Aw na thei maw?

Ka thei nan ziang a sim ti ka thei lo.

Kei khal ka thei lo. Khawri vekin a rung awn.

Himi cu Pathian-ih aw a si!

Ka hmu thei lo!
In bawm uh. Ka hmu thei lo. Khua sungah in hruai uh.




Kei cu **Ananias** ka si. Jesu in larnak in a hnenah va feh aw la khua na hmu theisal ding tiin in sim.


Ka mit a caw taktak a si.



Jesu Khrih hmin in hmu theisal aw.




Ka hmu thei! Jesu in a tuah na ti maw.
Jesu thuhla tamdeuh in in sim aw.



Cuti cun **Ananias** in Cathianghlim kau in Jesui thuhla ih sim cianakpawl cu Saul hnenah a sim.

A si, ka va aa rei ve. Cathianghlim sungah a rak um cia theh nan maw? Ka sakhua mi sinak in ka mit in catter a si. Tihnimnak la in **Jesu** dungthluntu si ka duh.

Pathian in Saul-ih hmin cu Paul tiah a thleng.




Saul a rak si mi, atui Paul cu mithar sinak le thuthar thawn thawm a si. Khristianpawl thah a duh nawn lo. Midangpawl Jesu zum dingah midang sawm a duhsawn thlang.

Na rinhlelnhak hi ka lo theihthiampi. Kei khal ka rak zum lo dah asinan ka lo sim ding, Nazareth mi Jesu in Messiah thu ih khuahlan ih sim cianakpawl a famkimter.

Ziangvek miaa ha na na si? Ziangtin Messsiah cun kan ralpawl ih thah ding cu amah le amah a sianawk ding?

A fiangbik simfiangnak cu Pathian in thihnak ihsin a thawhtersalnak hi a si.

Anih Pathian-ih tuufano, kan sualnak a phurta a si.




Pathian in Zentelpawl hnen khal ah thu a sim. Rom ralkap pakhat cun thlacamnak thawn Pathian a hawl.

Pathian, nang cu pakhat na si ti ka thei, nang cu mi hmuahhmuah sersiamtu na si. Ka mipipawl ih biaknak cu a sia ih daihnak in pe thei lo. Na lamzin in hmuah aw la cui lamzin in ka feh ding.



Zo si? Ziang? Zo ha na na si? Khui tawkin na ra?

Na tlacam cu theihsak a si. Pathian in i thlah. Joppa khua ih savun a thitu Simon-ih inn ah mi thlah aw. Tipi kapah na hmu ding. Peter ti mi pa va sut uh. Hinah a ra ding ih Pathian thudik a ra lo sim ding.




Kan Bawipa cu mitha le sakhua mi zet asinan thil tampi in a ti buai a si. Ziangtik lai can khalah thla a cam ih farahpawl hnenah paisa a pe, asinan Pathian thawn daihnak taktak a nei lo.

Pathian in Kross parih a thisen ruangah daihnak in tuahsak.


Cumi cun ziang a sim duh?

Ralbawipai hnenah cui thu cu ka sim ding..



Ralbawipa cu insangka ihsin Peter a ra hmuak ih a hmaiah a bawk.

Tho aw. Kei ih hnenah upatnak in pe aw hlah. Kei cu nangmah vek minung ve men ka si. An zaten ko theh aw la thuthangtha ka lo sim ding.




Tuisun cu ni sunglawi a si. Pathian in Jesui dungthluntupawl lakih mi pakhat Peter ti mi cu a mai thuhla simtu dingah kan hnenah a rak thlah.

A si, Jesu thawn kum thum le a hrek sung kan fehtlang. An khenbet lai ka hmu ih thihnak ih a thawhsal hnu khalah ka hmu. Minung 500 a thawhsal hmuah a thusim ngai dingah hmunkhatah kan tawngaw. Kan hnenah a ei ve ih a tham khal kan tham. Kan tawngaw. Kan hneah a ei ve ih in hrentupawl hrangah thlacam dingin in zirh. A thlarau a run thlah.



Ralbawi Kornelias le a insang zaten Jesu Khrih-ih thuthangtha a zum ih cui ni lala ah tihnimnak pek an si.




Paul cu Antioch khuaih sinakok ah a feh ih Sabbath ni ah Jew-pawl hnenah thu a sim.

In thei cio. Khristianpawl thih tiangin ka rak hrem, asinan Jesu cu mitcaw ko i tuahtu, tleunak thawn ka hnenah a runglang ih khawrivek a si mi auaw in thu sim dingin in fial. Messiah thuhla thawn pehparawin Cathianghlim ka vun hawl tikah sim cianakpawl cu Jesu ah a famkim a si.

Pathian in David fapa cu Israel rundantu ah ka tuah ding ih Jerusalem ih hotupawl in thiamlo coh in an that ding a ti.

Sam bung hnihnak ah cun hitin ngan a si, "Nang cu ka fapa na si, tuihsun ihsin na pa ka si zo."



A dang Sam sungah cun Pathian in a mithiang cu siatralnak tawnter a siang lo ding tin ngan a si. A thi ding nan a ruang cu siatnak a tawng lo ding ti khal in sim cia a si. Curuangh **Mawsi** hmanih a ek thei lo mi ngaidamnak famkim cu Jesui hnen lawngah ka nei thei ti thei uh.




Pathian in **Zentile** hnenih tleunak si ding le ram hmuahhmuah rundantu si ding ah Jesu a run tlah a si.

Zentel! Zentelpawl cu mithianglo an si. Annih in Judah zumnak hi in tawmpi thei lo a si.

Mi thangsiattu na si! Jesu cu dan fa ngaingai a si lo. A nu in pasal a neih hlanah fa a nei zo tiin sim theihnak a um a si.

Na zirhnak sual ruangah thi ko ih den tlak na si.

Nannih in kumkhuannak thuthangtha nan hnawl ruangah profetpawlih an simcia bangin thuthangtha cu Gentilepawl hnenah kan sim thlang ding.




Paul cu Jew-pawl in Khrih cu sunzawm in an hnawl ding ti a theihfiang ruangah Zentlepawl a ngaihsak thawk thlang ih Judah cu a ngaihsak nawn lo.

Pathian le fapa Jesu cu thangthat in um seh. Rundamnak cu Zentlepawl hnenah a thlang thlang.

Paul, tihnimnak in pe aw!

Jesui thu ih sim cianak tamdeuh in in sim av.

Jew mi tampi le Zentile mi tampi in thuthangtha an zum ih Pathian zangfahnak in an nung vivo.




Jew-mipawl cu an thin a heng ih Paul le Barnabas cu khuasung ihsin an dawisuak ih nan ra luhsal asile kan lo that ding tin an hringhrobet. Cuti cun Paul le Barnabas cu Asia ram ah feh in an hmuh mi pohpoh hnenah thuthangtha an sim vivo.

Ka bah khal le tlan tho tho aw. Cawl aw hlah.



Lystra khua ah Paul cu lungto thawn thi dingin an deng ih khawleng ah a ruang cu an hlawnbet.

Pathian ngaidam aw. Paul an that zo.



Pathian in mangbangza zetin Paul a thawhtersal.

Paul, na thi zo ah ka ruat!

Thi hrih lo ve, Pathian in a hmin ruangih ka tuar ding mi i hmuhter cia a si, tu cu a thawk lawng a si. Khawsung ah kan fehsal pei.



Bawipa sunlawih, thangthat, upatnak cu co tlak na si.


Macedonia ramih Philippi khua ah Paul le Sailas cu wavi 39 an vuak hnuah thawnginn sungah an khum. An tuarnak lakah an thinclung cu lungawinak in an khat ih zantim ah Pathian thangthat in hla an sak.



AHHHH!
Jesu cu Bawipa a si!



Can a liam vivo vekin Paul cu a can dang-dang wavi thum rori vuak a tuar. Asinan Jesui thu cu a sim thocho.



Paul cu thuthangtha sim in hmunkhat hnu hmunkhat a feh vivo vekin tum thum rori lawng pil ko ih harnak a tuar.

Tum khat cu lawng dangin a ra sar hlan sung ni khat le zan khat sung ti parah a um.




Paul cu a can le rukrupawl in an ra do.

Asinan thuthangtha sim in a feh tho tho.



Paul cu Jesui thuthangtha sim in leitlun a fannak ah a sur a sa, tihal, rilrawn le a dang harnak tampi a tuar.


Bawipa, hi pa hi run tidam aw, cuti cun khaw dang ih thu ka sim theinak dingah.



Paul cu khaw khat hnu khaw khat feh in milem be lo dingin ralrinnak a pe ih Jesui thuthangtha a sim vivo.

Milem biaknak ihsin Pathian nung biaknak ah na thawn ih dan nan thlun ruangah si loin nan rinnak ruangah thiamcoter nan si. Tu ah cun amai taksaih member nan siihPathian insungang ah nan cang a si.

Pathian thangthat in um seh!



Hi thil in daihnak in pe lo.

Mipipawl Pathian hnenih an kir tikah an milempawl le a mawinapawl an thlansan. An biaknak hlan thawi a pehparaw mi thil hmuahhmuah an hlawn theh. Kum kul sungah leitlun pumpi ah mipiangthar an um ih Jesu Khrih ruangah Pathian an bia.



Mathai 24:9-11 sungah Jesu in a dungthluntupawl hnenah ralrinnak a pe, hrem dingah an lo hrui ding ih an lo that ding: Ram hmuahhmuah in ka hmin ruangah an lo hua ding. Cutin mi tampi in thilsual an tuah ding, pakhat le pakhat an phatsanaw ding ih an huaaw ding. Profet diklo tampi an suak ding ih mi tampi an bum ding.

Cun Jesu a hmutupawl an tarih kawhhran thla Rom ram then ah a karhzai vivo tikah Rompawl in zumtupawl thih tiang ih hremnak an thawk. Zumtupawl in Jesu an hnawl lo cun Rom cozah ih tuah mi hmuh nuam thil an zohnak hmun laifangah zumtupawl cu an ret ih pawpi le sahrangpawl ih an bawhthlek lai cu mipipawl in nuam ti zetin an zoh.

Bawipa Jesu, ka Thlarau run la aw.


Ka pa, kan parih an tuah vekin thungrul hram hlah aw.



GGRRR.

IEEEE.

Rommi lakih mipi zoh nuam ding ih cangvaitu an tuah mipawl in Khristianpawl cu a cancan ah an satthat. Zumtupawl in an zumnak an thawn cuang lo ti an hmuh tikah mipi an mang a bang. Annih cu Jesui hrangih thi ding ah an man theh.



Jason, paradise ah ka lo tawng leh ding.


A si lo.



A thih hlanah Jesu
in Biakinn thu ah
sim ciannak a nei.

Hi Biakinn hi nan hmu
maw? Ka lo sim, hi Biakinn-ih
lungto pakhat hman tang lo
tiang ih siatsuah a si can a
ra thlang leh ding.

Kum 40 a rei hnuah, A.D 70 ah
Rom in a khuapi le biakinn cu a
run siatsuah ngaingai. Insung
lam thing a kang theh tikah,
cui pawl in sui an hawl duh
ruangah lungtopawl hlawn theh
a tul. Cuti cun Jesu sim cianak
cu a ra famkim.



Cutin Jew-mipawl le Israel-mipawl cu
ral tih ah Zentel rampawl ah an thekdarh
ih tuini tiang cui hmun ah an um.

Syria ih ka u
tei inn ah kan
feh ding.

Khristian hrekkhatpawl tla an tlan
ih cui hmun ah thuthangtha an sim
ih cutin kawhhran a thang vivo.



An tlannak ikip ah anmah rak zohtu
ding Khristianpawl an rak um cia.

Fehnak
ding hmun
kan nei lo.

Jerusalem ih raptlak
zet thil kan rak thei so
khaw. Kan hnenah
ceng ve uh.

Jesui dungthluntupawl cun an thih tiangin
Jesui thawhsalnak thu an phuang. Pakhat
hnu pakhat thah an si. Van ah inn thasawn
kan nei ti thei in an zaten raltha zetin an thi.

Mi hrekhat cu
Rompawl in an
khengbet.

Midangpawl cu an
nung cingin an ril an
phawr ih an sa an can.

Mi hrekhat cu
lungto thawn
denthat an si.

Mi hrek cu
ramsa an dehter.

Mi hrek cu lu tan an si.

Peter cu linglet
ih khenbet a si.

Mi hrek cu siti so
thawn suan an si.

Kei cu hmun
nuamdeuh ah ka feh
thlang ding. Pathian in
lo ngaidam hram seh.

Bawipa na thih vekih
thih cu ka phu lo a si.

Inn thadeuh le taksa thar
in in hmuak a si ti
theihfiangnak thawn an
zaten zumnak in an thi.



Jesui thawhsal hnu kum 50 ah cun dungthluntupawl lakah John lawng a nung. Anih cu Patmos tikulh ah sal vekin an ret. Pathian-ih Tharau cun John cu van sangah a hruaiih hmai lam thilcang dingpawl a hmuh.

John, a ra thleng lai ding thilpawl ka lo hmuh ding. Na hmuh mi hi cabu ah ngan aw la Asia ramih kawhhran parsarihpawl hnenah kuat aw.

Ni netabik can a ra thlen tikah Jesu a rasal ding ih a falepawl thlan a ra awng ding. Mero parih Jesu tawng dingah an tho ding ih amah thawn catuan in an umtlang ding.

Netabik ni ah cun Pathian in leilung a siatnak nasatak thawn a run veh ding. Meisa a thlah ding ih nat tha lo tampi thawn leithlun ih a nung lai mipawl cu a siatsuah ding.

Messiah ka si tiaw pa a ra ding ih mi tampi a bum ding. Mipipawl cu a parah a rinumter ding ih an cal asilole an vawhrlam kut ah hmainsinnak a neihter ding.

Hmainsinnak a neilotupawl cu an lu tan an si ding. Cui can cu leithlun ih a rung tangpawl hrangah harsatnak raphhlak a si ding.

Simkhawl cia si vekin, nine ta can ahcun jesu a ra kirsal ding.

Milai thi thei bantuk in is lo, A huham le A ropitnak hmuahhmuah in A ra ding. Van sangka a awng dingih rang parah to in a ratum suk ding.

Ni vekin a tleu dingih a lu ah sui lukum tampi a khum ding. A kutah arsi pasarih a keng dingih a kaa in ralnam thutak a suak ding.

Setan thawn an do aw dingih minung a tukfawrh thei nawn lonak hmun catuan meilipi sungah thlak a si ding. Jesu in thihnak a khak suak dingih, a ralpawl cu meilipi sungah thlak an si ding. Cuti cun leitlun cu lei thar ah a cang ding.

Lei thar ih um Jesu zumtupawl cu Pathian in a hruaikhawm hai ding. Pathian in an mitthli a hnul dingih thinak, lungsiatnak, natnak, ziang hmuahhmuah a hloralral ding. thihlunpawl a hloral dingih, Jesu cu uktu siangpahrang le runtu bawi-mipawl an sualnak le thihnak ihsin runsuak an si ding.




Thuthangtha cu kum thawngnih sung sim in a um, insang tin, hnam tin le ramtin in thuthangtha an theih tiang lalram thuthangtha cu phuan a si ding tiah Jesu in a rak sim cia.

Pathian pakhat lawng a um ih fapa pakhat lawng a nei. Zumnak pakhat lawng a um ih Cathianglim pakhat lawng a um. Paradise luh theinak lamzin pakhat lawng a um. Jesu cu lamzin, thutak le nunak a si ih miphun tampi in an hmu zo.




Jesui thuthangtha cu leitlun ih biaknak dang hnakin a danglam ih anih cu fial cawp le cawm cawp men in a karhzai lo. Jesu in a dungthluntupawl cu pakhat le pakhat duhdaw ding le lungawinak le hlasaknak ih khat dingin a zirh hai. Tuisun ah, ram kip ih mipi le tawng kip cu ngaidamnak le catuan nunnak ah an lung a awi.

Sikhalsehla, Jesu a thawhsalnak kum thawngnih lai a rei thlang nan thuthangtha thei hrih lo an um tho tho lai. Sim an tül si.



1999 ah thuthangtha a thei hrih lopawl a vei zettupawl tawngkhawmaw in ziangtin leitlun ih tawng phun dangdangpawl hnenah thuthangtha kan thlen thei ding ti thu relkhwamnak an nei.

Mi zapi in an theih theinak dingah Bible thuanthupawl hi zuklem thawn cabu tuah sehla a thabik ding tiin thu titlknak an nei.




A ca an ngan theh hnuah leitlun ih zuklem suai thiambikpawl lakih pakhat Danny Buanad ti mi an tawng ih lem suaisak dingin an sawn.



Hi cabu, lem le nganak ah kum sarih a rei.

Leitlun tawng tampi in lehlin a si. Veinak a nei taktaktu Khristianpawlih peknak ruangah leitlun hmun tampi ah zemuak a si.



Jesui thuthangtha a thei hrih lotupawl hnenih hi cabu pe dingah Khristian tampi in anmai paisa le can an pe a si.

Ka rual, na dam maw? Cabu lo pek ding ka nei, cumi cun ziangtin na sual ngaidam na si ding ti le na thih hnuah ziangtin paradise ah na feh ding ti thu a lo hmuh ding.

Ka lei thei lo ding.


Man ka ngen lo. Laksawng a si.



Ziangah alak in thil in pe?

Ka rual, ka lo duhdawt ruangah a si.

Hi cabu ah thuthangtha a um lai le lai lo ka zoh hnik pei cu.



A thaisun ah.

Ka biaknak in hivek thil in sim dah lo.. Himi cu duhdawtnak le ngaidamnak a si.


A dik a si ti ka thei! Pathian dokalh in ka sual zo nan ka sualnak ruangah a fapa a thi! Ziangtluk mangbangza so a si!



Maw Jesu, in duhdawt ih ka aih na thih ruangah ka lung a awi. Ka dam sung nangmah lo thlun ka duh.



Ngaidam ka si zo! Pathian cu tu ah ka sungah a nung a si.



Nupi, mangbang thlak tak thil a ra cang, ka theih dah lo mi in hi cabu in pe. Hi cabu in ziangtin Pathian leitlun ah a ra ih kan sualnak a hlawnhlo ti in sim a si.

Mohamed, in siarsak pei maw?

Papa, ka siar ding a ngah maw?



Mawsi le Abraham umnak cu kan theih cia a si. Asinan biaknak cabu in a dang hivek thuanthu in sim dah lo. Pathian in Jesu cu kan sualnak ruangih a thisen suak dingah a run thlah a si.


Nunau hi mipa vekin Pathian insungsang ah cohlan theih a si ding mawsi?

Theih e, Jesu in mi zaten a cohlang a si.








Midangpawlcun Roaul hnenih hnangam daihnak a co mi an hmu ih a maksak mi thuthangtha ngai ding in an ra.


Himi cu a maksak mi thuthang a si. Ka insangpawl ngai ve dingin ka rak hruai ding.



Mohamed cun zuklem cabu cu a khuapi zate deuh thaw hnenah a siarsak. Mohamed cun tamsin theih a duh.









Kan zamran a tul, innpi kan parah a cim cing ding!

Mohamed cun a unaupa meisa sung ihsin a dirsuak.



Mohamed cu midang hawl ding ih a kang mi innpi ih a kirsra laiah....

CRACK



WHOSH!


Innpi cu an pahnih parah a rung cim!



Kan biaknak hrangah a thi a si. Khristianpawl in hi mi ruangah an tuar a tul.



Puithiam cu ninghang le thinphannak thawn an phum, zianghatile catuan nunnak ruahsan ding an nei lo.



Mohamed in a rualpipawl hrangah a nunnak a pe. Hi hnakih sang duhdawtnak a um lo.

Nunu, na riahsiaaw hlah. Papa cu tu roriah Jesu thawn an umtlang a si.



Mohamed cu vancungmi in paradise ah a hun hruai.

Khuiah saw in hruai zik? Kei cu ka thi zo. Kei cu nunnak dang ih nung ding ka si.

Nunnak dangih nunsal ti mi cu thuphan a rak si. Netabik thuhennak ah na feh thlang ding.



Mipi na rak bum. A theih khal i thei dah lo. Na inhnen khal na duhdawt lo ih na ralpawl hnen khalah lainatnak na nei lo. Mi huatnak in na nunnak a cem.

Catuan nunnak cu na phu lo a si. Thimnak hmun ah hlawn uh.



Sikhalsehla, meisa dang bet hram hlah uh!



Sal tha le rinum, na ti tha a si. Ka lungawinak hmun ah lut thlang aw. Na hrangah umnak timtuah cia a si.

Cu ti asile, Bawipa, ka insungangpawl teh?

A tikcu a kim tikah an ra lo pan leh ding. An hrangah tuan ding tamsawn ka nei lai.



Ka ram mipi a thei hrih lotupawl teh ziangtin a si pei?

Anmah simtu ding Khristian tampi an um a si. An zum asile rundam an si ding. Asinan an zum lo a si ah cun...